



Broj: 02-05-26477-3/11
Sarajevo, 07.10.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **35.** sjednici održanoj **07.10.2011.** godine, donijela je sljedeći

ZAKLJUČAK

1. Usvaja se Izvještaj o realizaciji Plana povratka u i iz Kantona Sarajevo za period od 01.01. do 30.06.2011. godine, sa osvrtom na problematiku obezbjeđenja alternativnog-nužnog smještaja.
2. Izvještaj iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Zamjenici Predsjedavajuće Skupštine Kantona Sarajevo 2x
3. Skupština Kantona Sarajevo
4. Premijer Kantona Sarajevo
5. Ministarstvo za rad, socijalnu politiku, raseljena lica i izbjeglice Kantona Sarajevo
6. Evidencija
7. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice

IZVJEŠTAJ
O REALIZACIJI PLANA POVRATKA U I IZ KANTONA SARAJEVO
ZA PERIOD 01.01. – 30.06.2011. GODINE, SA OSVRTOM NA PROBLEMATIKU
OBEZBJEĐENJA ALTERNATIVNOG-NUŽNOG SMJEŠTAJA

Sarajevo, avgusta 2011. godine

S A D R Ź A J

Uvod.....	1
I Registrovani povratak u Kanton Sarajevo.....	2
1. Implementacija imovinskih zahtjeva.....	2
2. Implementacija projekata obnove stambenih jedinica započetih u prethodnoj godini.....	2
3. Obnova devastiranih stambenih jedinica interno raseljenim licima u Kantonu Sarajevo.....	6
4. Održivost povratka u Kantonu Sarajevo.....	8
5. Obezbjedenje smještaja u funkciji realizacije Plana povratka kroz oslobađanje stambenih jedinica.....	10
II Povratak iz Kantona Sarajevo na ostale prostore Bosne i Hercegovine.....	12
1. Registrovani povratak u druge kantone Federacije BiH i Brčko Distrikt BiH.....	12
2. Povratak u drugi entitet.....	12
3. Održivost povratka.....	15
Prilog (Tabele br. 1. – 5.).....	18

Uvod

Ministarstvo za rad, socijalnu, politiku, raseljena lica i izbjeglice Kantona Sarajevo sačinilo je Izvještaj o realizaciji Plana povratka u i iz Kantona Sarajevo za period 01.01. – 30.06.2011. godine, sa osvrtom na problematiku obezbjeđenja alternativnog – nužnog smještaja, na osnovu kumulativnih podataka dobivenih od Ministarstva stambene politike Kantona Sarajevo, Uprave za stambena pitanja Kantona Sarajevo, općinskih imovinsko-pravnih službi i službi za obnovu, Federalnog ministarstva raseljenih osoba i izbjeglica, općinskih odjeljenja Ministarstva za raseljena lica drugog entiteta, agencija koje implementiraju projekte obnove stambenih jedinica finansirane sredstvima međunarodne zajednice, i projekata ovog ministarstva, te drugih subjekata koji učestvuju u implementaciji povratka raseljenih lica,

Plan povratka u Kanton Sarajevo za 2011. godinu postavljen je na bazi završetka realizacije projekata obnove stambenih jedinica započetih u prethodnom periodu, projekata obnove stambenih jedinica interno raseljenih porodica u 2011. godini, te uvođenjem prijeratnih vlasnika/NSP u zapečaćene stambene jedinice.

Polazeći od navedenog, za 2011. godinu, u Kanton Sarajevo planiran je povratak 95 porodica.

Kada je riječ o projekciji povratka iz Kantona Sarajevo na ostale prostore Bosne i Hercegovine, u 2011. godini, planiran je povratak 78 porodica, od čega 77 porodica u drugi entitet, te 1 porodice u Brčko Distrikt BiH, dok povratak u druge kantone Federacija BiH nije bilo moguće planirati, budući da Ministarstvo nije imalo saznanja o planiranim projektima obnove stambenih jedinica na navedenom području.

U Izvještaju su sadržani podaci o registrovanom povratku u zapečaćenu – oslobođenu i obnovljenu stambenu imovinu, međutim, registrovani povratak ne znači i stvarni povratak, jer Ministarstvo nema zakonskog osnova da kontroliše korištenje vraćenih stanova i kuća.

Imajući u vidu navedeno, u izvještajnom periodu, u poređenju sa stanjem na dan 31.12.2010. godine, status raseljene osobe ukinut je za 145 porodica (351 lice), od čega iz drugog entiteta 132 porodice (313 lica), iz drugih kantona Federacije BiH 4 porodice (12 lica). Što se tiče interno raseljenih lica u Kantonu Sarajevo, ukinut je status za 9 porodica (26 lica). Značajnom smanjenju navedenog broja raseljenih porodica (145), tj. 351 lice, pored uvođenja u posjed i obnove stambenih jedinica, doprinijela je i kontinuirana saradnja ovog ministarstva sa općinskim nadležnim službama, pri čemu je za raseljene porodice i članove njihovog domaćinstva iz 1991. godine, za koje je utvrđeno da posjeduju drugu stambenu imovinu, uslovnu za stanovanje, na prostorima Bosne i Hercegovine, pokretan postupak ukidanja statusa raseljenog lica.

Izveštaj, pored podataka o registrovanom povratku, sadrži i podatke o obezbjedenju smještaja za raseljena lica, koja po sili zakona napuštaju tuđu stambenu imovinu.

Na dan 31.12.2010. godine, u nekom od vidova alternativnog smještaja privremeno su boravile 92 porodice (284 lica).

Na dan 30.06.2011. godine, u alternativnom smještaju privremeno borave 84 porodice (262 lica), što znači da je u periodu 01.01. - 30.06.2011. godine 8 porodica (22 lica) napustilo alternativni smještaj i vratilo se u svoje sanirane stambene jedinice ili stambene jedinice obezbjedene na drugi način.

1

I

REGISTROVANI POVRATAK U KANTON SARAJEVO

Ministarstvo za rad, socijalnu politiku, raseljena lica i izbjeglice (u daljem tekstu: **Ministarstvo**) na osnovu izvještaja subjekata, koji učestvuju u implementaciji Aneksa 7. Mirovnog sporazuma, u periodu 01.01. – 30.06.2011. godine, registrovalo je povratak u Kanton Sarajevo 38 porodica. Navedeni registrovani povratci realizovani su kroz oslobađanje stambenih jedinica (20) i kroz obnovu (18), od čega je 10 porodica iz Kantona Sarajevo (interno raseljene porodice), 18 iz drugog entiteta, iz inostranstva 9 porodica, te 1 porodice iz Brčko Distrikta BiH,

Pregled registrovanog povratka po općinama i mjesecima dat je u tabelama br. 1. i 2. u prilogu.

1. Implementacija imovinskih zahtjeva

U izvještajnom periodu, kroz implementaciju imovinskih zahtjeva, registrovan je povratak 20 porodica o čemu slijede podaci u tabeli br. 1.

Tabela br.1. Povratak u oslobođenu stambenu imovinu

Općina	Registrovani povratak
Stari Grad	/
Centar	6
Novo Sarajevo	8
Novi Grad	3
Ilidža	2
Hadžići	/
Vogošća	1
Ilijaš	/
Trnovo	/
UKUPNO:	20

2. Implementacija projekata obnove stambenih jedinica započelih u prethodnoj godini

Ministarstvo za rad, socijalnu politiku, raseljena lica i izbjeglice Kantona Sarajevo je, na bazi realizacije projekata obnove stambenih jedinica započetih u prethodnom periodu, planiralo povratak ukupno 88 porodica, i to kroz projekte, kako slijedi:

„ZP-08“	-	29 porodica,
„ZP-09“	-	30 porodica,
„ZP-10“	-	7 porodica,
„Trajno stambeno zbrinjavanje interno raseljenih porodica – 2010. god.“	-	13 porodica i
„Izgradnja objekta kolektivnog stanovanja u općini Stari Grad, za trajno stambeno rješenje interno raseljenih porodica“	-	9 porodica.

2

Povratak kroz uvođenje u posjed prijeratnih nosilaca stanarskog prava u oslobođenu stambenu imovinu nije bilo moguće planirati budući da se preostali broj zahtjeva za povrat stanarskog prava rješava putem suda, tako da ovo ministarstvo može taj povratak registrovati samo na osnovu donesenih sudskih presuda, što i činimo tokom svake tekuće godine.

Tabela br. 2. - Planirani broj povratka kroz projekte obnove započete u prethodnom periodu

Općina	Projekat „ZP-08“			Projekat „ZP-09“		Projekat „ZP-10“		„Trajno stambeno zbrinjavanje interno raseljenih porodica-2010.“			„Izgradnja objekta kolektivnog stanovanja u općini Stari Grad“		U K U P N O		
	Plan	U impl.	Impl.	Plan	U impl.	Plan	U impl.	Plan	U impl.	Impl.	Plan	U impl.	Plan	U impl.	Impl.
Stari Grad	/	/	/	2	2	/	/	1	1	/	9	9	12	12	/
Centar	12	12	/	/	/	/	/	/	/	/	/	/	12	12	/
Novo Sarajevo	/	/	/	4	4	/	/	3	3	/	/	/	7	7	/
Novi Grad	17	3	14	5	5	/	/	1	1	/	/	/	23	9	14
Ilidža	/	/	/	15	15	/	/	6	2	4	/	/	21	17	4
Ilijaš	/	/	/	/	/	5	5	1	1	/	/	/	6	6	/
Vogošća	/	/	/	/	/	/	/	1	1	/	/	/	1	1	/
Hadžići	/	/	/	4	4	/	/	/	/	/	/	/	4	4	/
Trnovo	/	/	/	/	/	2	2	/	/	/	/	/	2	2	/
UKUPNO:	29	15	14	30	30	7	7	13	9	4	9	9	88	70	18

Iz Tabele br. 2., vidljivo je da je u izvještajnom periodu implementirana sanacija ukupno 18 stambenih jedinica, dok je u toku sanacija 70 stambenih jedinica, čiji završetak se očekuje do kraja tekuće godine. Za projekte koje finansira ili sufinansira ovo ministarstvo, sa sigurnošću možemo reći da će biti završeni do kraja 2011. godine, dok za „ZP“ projekte, koji se finansiraju zajedničkim sredstvima entiteta, Brčko Distrikta BiH i Vijeća ministara BiH, a implementiraju općine povratka, ne možemo navesti tačan rok završetka, ali, imajući u vidu informacije dobivene od općina koje implementiraju navedene projekte, očekujemo da će isti biti završeni do kraja tekuće godine.



Novoizgrađena zgrada u naselju Balvan Grad, Faza III, općina Ilidža



21.03.2011. godine, primopredaja ključeva sanirane stambene jedinice porodici Bakija Mehmeda u naselju Balvan Grad, Faza III, općina Ilidža

Što se tiče Projekta „Izgradnja objekta kolektivnog stanovanja, sa 9 stambenih jedinica na lokalitetu Vasin Han, općina Stari Grad“, u izvještajnom periodu obezbjeđena je kompletna finansijska konstrukcija i stvoreni uslovi za nesmetan završetak građevinskih radova. Naime, za realizaciju navedenog projekta bilo je potrebno 595.000,00 KM, od čega je bilo obezbjeđeno 312.000,00 KM, tako da je nedostajalo ukupno 283.000,00 KM.

4

Na inicijativu ovog ministarstva navedena nedostajuća sredstva su obezbjeđena na način, kako slijedi:

Općina Stari Grad	-	150.000,00 KM,
Federalno ministarstvo raseljenih osoba i izbjeglica-		100.000,00 KM i
Ministarstvo za rad, socijalnu politiku, raseljena lica i izbjeglice Kantona Sarajevo	-	33.000,00 KM.

Dana 26.05.2011. godine, između predstavnika navedenih donatora potpisan je Protokol o sufinansiranju navedenog projekta čime je zatvorena kompletna finansijska konstrukcija i stvoreni uvjeti za nesmetan nastavak radova i završetak samog Projekta.



26.05.2011. godine – Potpisivanje Protokola o nastavku sufinansiranja Projekta



01.07.2011. god. – Stanje izgrađenosti objekta na lokalitetu Vasin Han, općina Stari Grad

5

Što se tiče Projekta rekonstrukcije objekta kolektivnog centra u Ilijašu, u okviru kojeg je planirana izgradnja 25 stambenih jedinica za rješavanje stambenog pitanja porodica sa priznatim statusom raseljenog lica, koje se iz opravdanih razloga ne mogu vratiti na svoje prijeratne adrese i porodica u stanju socijalne potrebe, u izvještajnom periodu, implementator Projekta, Fond Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobiliziranih boraca i prognanih osoba, je, nakon ponovljene tenderske procedure za izbor najpovoljnijeg izvođača radova, izvršio izbor najpovoljnijeg izvođača, međutim, dvije firme su kod Suda BiH pokrenule tužbe, od kojih je, u 2010. godini, jedna odbijena, dok za drugu tužbu, prema informaciji Suda BiH, rješenje očekujemo tokom trećeg kvartala tekuće godine. Pod uslovom da i druga tužba bude odbijena, Implementator bi pristupio potpisivanju Ugovora sa odabranim izvođačem radova, nakon čega bi se pristupilo uvođenju u posao, a, budući da bi planirana

rekonstrukcija objekta trajala tri mjeseca za očekivati je da i navedeni projekat bude završen do kraja ove godine.



Zgrada kolektivnog centra u Ilijašu, koja je predmet rekonstrukcije

3. Obnova devastiranih stambenih jedinica interno raseljenim licima u Kantonu Sarajevo

Pored planiranog broja povratka kroz projekte obnove stambenih jedinica započete u prethodnom periodu, Ministarstvo je, u 2011. godini, planiralo implementaciju Projekta „Trajno stambeno rješenje interno raseljenih porodica u Kantonu Sarajevo – 2011. god.“, u okviru kojeg je predviđena sanacija 7 stambenih jedinica, vlasništvo interno raseljenih porodica, za čiju sanaciju postoje preduslovi (regulacioni, infrastrukturni, imovinsko-pravni i sl.)

U izvještajnom periodu, započete su aktivnosti na implementaciji Projekta „Trajno stambeno rješenje interno raseljenih porodica u Kantonu Sarajevo – 2011. god.“. Naime, dana 17.05.2011. godine, sa implementatorom Projekta, humanitarnom organizacijom Hilfswerk Austria International, potpisan je Ugovor o realizaciji predmetnog projekta, u okviru kojeg je planirana sanacija/izgradnja ukupno 7 stambenih jedinica na prostoru općina Kantona Sarajevo. Ukupna vrijednost Projekta iznosi 200.000,00 KM, a navedena sredstva je obezbjedilo Ministarstvo iz Budžeta Kantona Sarajevo za 2011. godinu. Zaključno sa 30.06.2011. godine, izvršen je odabir 6 korisnika Projekta, i to na području općine Stari Grad 1, Novog Sarajeva 1, Ilidže 2 i Ilijaša 2, dok će izbor sedmog korisnika biti naknadno izvršen.

6

Moramo napomenuti da za potencijalnog korisnika sa područja općine Novo Sarajevo, čija se stambena jedinica nalazi u objektu kolektivnog stanovanja, na adresi, ul. Zagrebačka br. 3 a, još uvijek, nisu stvoreni uvjeti za unutrašnje radove, budući da je na istom, prvobitno vršena sanacija zajedničkih dijelova objekta, te da tehnički prijem istih nije izvršen, odnosno nisu otklonjeni utvrđeni nedostaci, tako da vlasnici stambenih jedinica, još uvijek, nisu preuzeli ključeve svojih stanova, među kojima je i naprijed navedeni potencijalni korisnik. Očekujemo da će u drugom polugodištu ti nedostaci biti otklonjeni čime će se stvoriti uslovi za unutrašnju sanaciju predmetne stambene jedinice.

Također, u skladu sa planiranim aktivnostima u svrhu stvaranja uvjeta za povratak interno raseljenih lica na području Kantona Sarajevo, u izvještajnom periodu, započete su aktivnosti na implementaciji Projekta „Izgradnja objekta kolektivnog stanovanja, po principu RAU-BAU, na lokalitetu Šip, općina Centar, za trajno stambeno zbrinjavanje interno raseljenih porodica i porodica u stanju socijalne potrebe“, tako da je, dana 23.05.2011. godine, između Ministarstva za rad, socijalnu politiku, raseljena lica i izbjeglice Kantona Sarajevo, općine Centar i humanitarne organizacije Arbeiter-Samariter-Bund Deutschland e.V. (ASB), potpisan Generalni Sporazum o načinu realizacije predmetnog projekta, nakon čega je Implementator, ASB, nastavio sa daljnjim aktivnostima na pripremi tenderske dokumentacije za objavljivanje javnog poziva za izbor najpovoljnijeg izvođača radova. Navedeni Projekat obuhvata izgradnju objekta sa 24 stambene jedinice, čijim završetkom planiramo trajno riješiti sve interno raseljene porodice sa područja općine Centar, čije prijeratne stambene jedinice, zbog izmjene regulacionog plana i nerješениh imovinsko-pravnih odnosa nije moguće obnovljati. Ministarstvo planira da se građevinski radovi na objektu, po principu RAU-BAU, završe do kraja 2011. godine, a preostali radovi do nivoa useljivosti, bi se nastavili u 2012. godini.



23.05.2011. god. – Potpisivanje Generalnog Sporazuma

Paralelno sa aktivnostima na implementaciji naprijed navedenih projekata započeti u 2011. godini, Ministarstvo za rad, socijalnu politiku, raseljena lica i izbjeglice Kantona Sarajevo je, u saradnji sa Federalnim ministarstvom raseljenih osoba i izbjeglica, Ministarstvom za ljudska prava i izbjeglice BiH i UNHCR-om, provodilo aktivnosti i na pripremama CEB Projekta „Podrška ugroženim stanovnicima kolektivnih centara u BiH“, kojim se planira zatvaranje kolektivnih centara uz adekvatno stambeno zbrinjavanje svih korisnika istih.

7

U vezi sa naprijed navedenim, Ministarstvo je predložilo zatvaranje kolektivnih centara u Hrasnici i Gladnom Polju, na način da se postojeći objekat kolektivnog centra u Hrasnici rekonstruiše, te da se u istom izgradi 27 stambenih jedinica (jednosobnih i dvosobnih), a da se na lokaciji u Tarčinu, koja je u vlasništvu Ministarstva, izgrade dva objekta kolektivnog stanovanja sa po 9 stambenih jedinica, a u naselju Gladno Polje postojeći stambeni objekti, koji su privremenog karaktera, poruše i na toj lokaciji, koja je također u vlasništvu Ministarstva, izgradi 6 objekata kolektivnog stanovanja, sa po 9 stambenih jedinica. Realizacijom naprijed navedenih prijedloga svi sadašnji korisnici kolektivnih centara u Hrasnici i Gladnom Polju bi bili adekvatno stambeno zbrinuti.

Napominjemo da će za realizaciju CEB Projekta „Podrška ugroženim stanovnicima kolektivnih centara u BiH“ biti obezbjeđeno ukupno 40 mil. €, od čega kreditna sredstva Evropske banke u iznosu od 32 mil. €, dok će 8 mil. € obezbjeđiti Vijeće ministara BiH.

Budući da je Ministarstvo, prema informaciji predstavnika UNHCR-a i Federalnog ministarstva raseljenih osoba i izbjeglica, blagovremeno dostavilo svu potrebnu dokumentaciju i dokaze o vlasništvu, sa čime i učestvuje u realizaciji Projekta, očekujemo da će Kanton Sarajevo biti prvi u izboru za početak realizacije CEB Projekta, odnosno rekonstrukcije i izgradnje kandidovanih objekata.

Također, prema informaciji predstavnika UNHCR-a, naprijed navedena sredstva bi trebalo da budu operativna u prvoj polovini 2012. godine, pa samim tim očekujemo da će i početak realizacije projekata, koje je kandidovalo Ministarstvo, biti u prvom polugodištu 2012. godine.

4. Održivost povratka u Kantonu Sarajevo

Za projekte u svrhu održivosti povratka u Kantonu Sarajevo, Vlada Kantona Sarajevo, zbog poznate ekonomske situacije, te utvrđenih prioriteta, Budžetom za 2011.godinu, je odobrila, s aspekta stvarnih potreba, nedovoljan iznos sredstava, tako da su i aktivnosti Ministarstva u segmentu podrške održivom povratku bile ograničene. Ipak, u izvještajnom periodu, Ministarstvo je uz saradnju i podršku UNHCR-a i humanitarne organizacije Hilfswerk Austria International, obezbjedilo 180 paketa sjemenskog materijala za proljetnu sjetvu 2011. godine, za najugroženije povratničke porodice na području općina Kantona Sarajevo, kako slijedi:

Hadžići	-	40,
Ilidža	-	40,
Vogošća	-	40,
Ilijaš	-	40 i
Trnovo	-	20.

Navedeni paketi sjemenskog materijala sadržavali su po 40 kg. krompira, 2 kg. luka i po 6 kesica raznog sitnog sjemena.



12.04.2011. god. – Isporuca sjemenskog materijala povratničkim porodicama u općini Hadžići

Pored isporuke paketa sa sjemenskim materijalom, Ministarstvo je u saradnji sa humanitarnom organizacijom CRS, a u okviru Projekta „Trajna rješenja za korisnike kolektivnih centara u BiH“, koji se finansira sredstvima Vlade Kraljevine Holandije, u čijem sufinansiranju učestvuje i ovo ministarstvo, obezbjedilo 1 motokultivator, sa priključnom kosilicom, povratničkoj porodici na području MZ Rakovica, općina Ilidža.

Naime, radi se o čeveročlanoj povratničkoj porodici, radno sposobnoj, koja u svom posjedu ima veću površinu obradivog poljoprivrednog zemljišta, međutim, bez mehanizacije nisu imali mogućnosti za značajnijim bavljenjem poljoprivredom, tako sa izrazili potrebu za dodjelu 1 motokultivatora. Nakon zajedničkog izlaska na teren, predstavnika humanitarne organizacije CRS i općine Ilidža, te utvrđivanja činjenica, zahtjevu ove povratničke porodice je udovoljeno i dana 15.05.2011. godine, istoj je uručen traženi motokultivator.



15.05.2011. god. – Primopredaja motokultivatora povratničkoj porodici Koldžo

Budući da su naprijed navedeni projekti za održivost povratka realizovani uz saradnju i sufinansiranje međunarodnih humanitarnih organizacija, ostvarene su uštede na utrošku budžetskih sredstava za pomoć održivom povratku, tako da Ministarstvo planira, na sličan način, preostala budžetska sredstva utrošiti u svrhu nabavke i isporuke paketa sjemenskog materijala za jesenju sjetvu 2011. godine.

5. Obezbjeđenje smještaja u funkciji realizacije Plana povratka kroz oslobađanje stambenih jedinica

Zaključno sa 30.06.2011. godine u Kantonu Sarajevo zahtjeve za Re-registraciju podnijele su 19.622 osobe (7.781 porodica) iz drugog entiteta, 797 raseljenih osoba (311 porodica) iz drugih kantona Federacije BiH i 35 osoba (15 porodica) iz Brčko Distrikta BiH. Istovremeno, prema podnešenim zahtjevima u općinskim službama za raseljene osobe proveden je postupak utvrđivanja statusa raseljenih osoba iz drugog entiteta za 19.622 osoba (7.781 porodica), od čega je za 4.043 osobe (1.915 porodica) donešeno pozitivno rješenje, dok je za 15.579 osoba (5.866 porodica) donešeno negativno rješenje. Iz drugih kantona Federacije BiH za 145 osoba (65 porodica) donešeno je pozitivno rješenje, a za 652 osobe (246 porodica) negativno rješenje.

Za 2 raseljene osobe (1 porodica) sa područja Brčko Distrikta BiH donešeno je pozitivno rješenje i za 33 osobe (14 porodica) negativno rješenje.

U istom periodu broj podnešenih zahtjeva interno raseljenih lica je 3.689 (1.374 porodice), od čega je proveden postupak utvrđivanja statusa za 3.689 raseljenih osoba (1.374 porodice) i to: za 519 osoba (189 porodica) donešeno je pozitivno rješenje, dok je za 3.170 osoba (1.185 porodica) donešeno negativno rješenje (Tabela br. 3. u prilogu).

U poređenju sa podacima na dan 31.12.2010. godine, broj pozitivnih rješenja je smanjen za 351. Navedenom smanjenju broja pozitivnih rješenja, u značajnoj mjeri, je doprinijela saradnja Ministarstva sa resornim službama općina Kantona Sarajevo, na utvrđivanju vlasništva uslovne stambene imovine raseljenih porodica u mjestu boravka. U skladu sa važećim zakonskim propisima koji regulišu oblast raseljenih lica, za sve porodice, za koje je utvrđeno da imaju uslovnu stambenu imovinu u mjestu boravka, pokretan je postupak ukidanja statusa raseljenog lica. Nadalje, za određen broj osoba ukinut je status raseljenog lica, po osnovu obnove stambenih jedinica na prijeratnim adresama prebivališta, te, u skladu sa podnešenim zahtjevima za povrat stambene imovine, uvođenjem u posjed raseljenih porodica – prijeratnih NSP/vlasnika.

Naime, u izvještajnom periodu, u poređenju sa stanjem na dan 31.12.2010. godine, status raseljene osobe ukinut je za 351 lice (145 porodica), od čega iz drugog entiteta 313 lica (132 porodice), iz drugih kantona Federacije BiH 12 lica (4 porodice), dok za 1 porodicu iz Brčko Distrikta BiH, još uvijek, u okviru najavljene sanacije stambene jedinice od strane Vlade Brčko Distrikta BiH, nije sanirana stambena jedinica, tako da ista, do konačne sanacije, ostaje u statusu raseljenog lica. Što se tiče interno raseljenih lica u Kantonu Sarajevo, ukinut je status za 26 lica (9 porodica).

Imajući u vidu da proces Re-registracije raseljenih lica još uvijek traje, u izvještajnom periodu, registrovano je novih 15 porodica (25 lica), od čega je 8 interno raseljenih (10 lica), tako da je stvarni broj raseljenih porodica kojima je, u periodu 31.12.2010. godine do 30.06.2011. godine, ukinut status, 160 (376 lica).

Na dan 31.12.2010. godine Ministarstvo je obezbjeđivalo smještaj za ukupno 92 porodice, kako slijedi: 62 porodice su bile smještene u kolektivnim centrima Hrasnica i Gladno Polje, za 2 porodice Ministarstvo je snosilo troškove podstanarstva, a 19 porodica je bilo smješteno u stanove za koje nije podnešen zahtjev za povrat, a koji su ustupljeni Ministarstvu od strane Uprave za stambena pitanja Kantona Sarajevo, dok je 9 porodica smješteno u namjenski izgrađenoj zgradi u Tarčinu, općina Hadžići.

U izvještajnom periodu, za obezbjeđenje alternativnog smještaja podnešeno je 48 zahtjeva. Od navedenog broja, 41 se odnosio na produženje smještaja u objektima kolektivnog tipa stanovanja i plaćanje zakupnine, dok je 7 zahtjeva podnijela Uprava za stambena pitanja ili raseljene porodice lično, a odnosili su se na obezbjeđenje smještaja za porodice koje su u postupku iseljenja iz stanova na koje nije podnešen zahtjev za povrat.

Od ukupno 48 zaprimljenih zahtjeva, pozitivno je riješeno 45, dok je, zbog neispunjavanja kriterija za obezbjeđenje smještaja prema Zakonu o raseljenim osobama – prognanicima i izbjeglicama – povratnicima u Kantonu Sarajevo („Sl. novine Kantona Sarajevo“, br. 27/05 – Prečišćeni tekst), za 3 zahtjeva donešeno negativno rješenje.

Na dan 30.06.2011. godine Ministarstvo obezbjeđuje smještaj za 84 porodice od čega je 39 porodica iz kategorije raseljenih lica i 45 porodica iz kategorije socijalnih slučajeva. Od ukupno navedenog broja, 59 porodica je smješteno u kolektivnim centrima (Hrasnica i Gladno Polje), za 1 porodicu se plaća zakupnina, 15 porodica je smješteno u stanove za koje nije podnešen zahtjev za povrat, dok je 9 porodica iz kategorije žene-žrtve rata, trajno smješteno u novoizgrađenom stambenom objektu u Tarčinu, općina Hadžići (Tabela br. 4. u prilogu).

U izvještajnom periodu alternativni smještaj u nadležnosti Ministarstva, napustilo je 8 porodica, i to: iz kolektivnog centra „Hrasnica“ 3 (2 raseljene porodice i 1 porodica u stanju socijalne potrebe), 4 raseljene porodice iz stanova na koje nisu podnešeni zahtjevi za povrat (2 raseljene porodice i 2 porodice u stanju socijalne potrebe), te 1 interno raseljena porodica za koju je Ministarstvo snosilo troškove podstanarstva.

II

POVRATAK IZ KANTONA SARAJEVO NA OSTALE PROSTORE BOSNE I HERCEGOVINE

Projekcijom povratka za 2011. godinu iz Kantona Sarajevo na ostale prostore BiH predviđen je povratak 78 porodica (180 lica), od čega 77 porodica (178 lica) u drugi entitet, 1 porodica (2 lica), u Brčko Distrikt BiH, dok povratak u ostale kantone Federacije BiH nije planiran, budući da Ministarstvo nije planiralo sanaciju stambenih jedinica na navedenim područjima, niti je imalo saznanja o implementaciji projekata obnove od strane drugih donatora (Tabela br. 5. u prilogu).

1. Registrovani povratak u druge kantone Federacije BiH i Brčko Distrikt BiH

U izvještajnom periodu iz Kantona Sarajevo u druge kantone Federacije BiH nije bilo registrovanih povrataka obzirom da, kako je naprijed navedeno, nisu ni planirani, dok u Brčko Distrikt BiH planirani povratak jedne porodice, zaključno sa 30.06.2011. godine, nije registrovan, budući da Projekat obnove stambenih jedinica koji finansira Vlada Distrikta, još uvijek, nije započet. Očekujemo da će do kraja 2011. godine taj Projekat biti realizovan, čime će se stvoriti stambeni uslovi za povratak ove porodice.

2. Povratak u drugi entitet

Projekcija povratka 77 raseljenih porodica (178 lica) iz Kantona Sarajevo u drugi entitet za 2011. godinu zasnivala se na podacima o završetku obnove stambenih jedinica započetih u prethodnom periodu, kroz projekte obnove:

- „CEB – Faza II“ – 14 porodica,
- „ZP-08“ – 1 porodica,
- „ZP-09“ – 4 porodice,
- „ZP-10“ – 35 porodica,
- „Trajna rješenja za korisnike kolektivnih centara i alternativnih smještaja u BiH“ – 16 porodica“,
- „Dodjela građevinskog materijala za sanaciju prijeratnih stambenih jedinica, putem Federalnog ministarstva raseljenih osoba i izbjeglica“ – 2 porodice i
- „Dodjela građevinskog materijala za sanaciju prijeratnih stambenih jedinica, putem resornog ministarstva RS-a“ – 5 porodica.

U periodu od 01.01 – 30.06.2011. godine, na osnovu izvještaja agencija koje su vršile rekonstrukciju stambenih jedinica, općinskih odjeljenja Ministarstva za raseljena lica i izbjeglice drugog entiteta, Ministarstvo je registrovalo povratak 45 porodica. Navedeni broj povrataka ostvaren je na području općina: Srebrenica (21), Višegrad (9), Rogatica (8) i Čajniče, Derвента, Foča, Rudo, Trebinje, Vlasenica i Zvornik po 1 porodica.

Navedeni povratci su ostvareni u okviru realizacije projekata obnove stambenih jedinica, kako slijedi u Tabeli br. 3.

Tabela br. 3. – Planirani broj povratka kroz projekte obnove započete u prethodnom periodu

Općina povratka	„CEB“ Faza II		„Trajna rješenja za korisnike kol. centara i altern. smještaja u BiH“			„ZP – 08“		„ZP – 09“			„ZP – 10“			„Dodjela građevinskog materijala putem FMROI“			„Dodjela građevinskog materijala putem resornog ministarstva RS-a“			Ukupno		
	Plan	U impl.	Plan	U impl.	Impl.	Plan	Impl.	Plan	U impl.	Impl.	Plan	U impl.	Impl.	Plan	U impl.	Impl.	Plan	U impl.	Impl.	Plan	U impl.	Impl.
Rogatica	9	9	/	/	/	/	/	/	/	/	6	1	5	1	1	/	3	/	3	19	11	8
Foča	1	1	1	/	1	/	/	/	/	/	6	6	/	/	/	/	/	/	/	8	7	1
Kalinovik	4	4	/	/	/	/	/	1	1	/	/	/	/	/	/	/	/	/	/	5	5	/
Srebrenica	/	/	7	8	1	1	1	/	/	/	/	/	/	/	/	4	/	/	/	8	8	6
Višegrad	/	/	8	8	1	/	/	1	/	1	10	4	6	/	/	/	/	/	2	19	12	10
Čajniče	/	/	/	/	/	/	/	1	/	1	/	/	/	/	/	/	/	/	/	1	/	1
Milići	/	/	/	/	/	/	/	1	1	/	/	/	/	/	/	/	/	/	/	1	1	/
Han Pijesak	/	/	/	/	/	/	/	/	/	/	4	4	/	/	/	/	2	2	/	6	6	/
Sokolac	/	/	/	/	/	/	/	/	/	/	3	3	/	/	/	/	/	/	/	3	3	/
Rudo	/	/	/	/	/	/	/	/	/	/	6	5	1	/	/	/	/	/	/	6	5	1
Derventa	/	/	/	/	/	/	/	/	/	/	/	/	/	1	/	1	/	/	/	1	/	1
Vlasenica	/	/	/	/	/	/	/	/	/	/	/	/	1	/	/	/	/	/	/	/	/	1
Trebinje	/	/	/	/	/	/	/	/	/	/	/	/	/	/	/	1	/	/	/	/	/	1
UKUPNO:	14	14	16	16	3	1	1	4	2	2	35	23	13	2	1	6	5	2	5	77	58	30

Iz Tabele br. 3. vidljivo je da je, kroz implementaciju planiranih projekata obnove stambenih jedinica, registrovan povratak 30 porodica, i to kroz projekte: „Trajna rješenja za korisnike kolektivnih centara i alternativnih smještaja u BiH“ 3 porodice, „ZP-08“ 1 porodica, „ZP-09“ 2 porodice, „ZP-10“ 12 + 1 povratnička porodica u općinu Vlasenica, čiji povratak nije bio planiran, „Dodjela građevinskog materijala putem Federalnog ministarstva raseljenih osoba i izbjeglica“ 1 + 5 porodica, čiji povratak nije bio planiran (4 u općinu Srebrenica i 1 u općinu Trebinje), „Dodjela građevinskog materijala putem resornog ministarstva RS-a“ 3 + 2 povratničke porodice u općinu Višegrad, čiji povratak nije bio planiran.

Moramo napomenuti da završetak Projekta „CEB - Faza II“, koji se putem Ministarstva za ljudska prava i izbjeglice BiH, finansira kreditnim sredstvima Vijeća Evrope, a koji implementiraju općine povratka, značajno kasni, tako da ne možemo sa sigurnošću odrediti krajnji rok završetka istog, pa samim tim i planirani povratak.

Također, u skladu sa Memorandumom o razumijevanju, te Ugovorom o udruživanju sredstava za realizaciju Projekta „Trajna rješenja za korisnike kolektivnih centara i alternativnog smještaja u BiH“, koje je Ministarstvo potpisalo sa humanitarnom organizacijom CRS, u izvještajnom periodu završena je sanacija planiranog broja stambenih jedinica na području općine Foča, međutim, imajući u vidu da je u izvještajnom periodu izvršen konačan izbor dodatnih 18 korisnika Projekta za područja općina Višegrad i Srebrenica, završetkom sanacije navedenog broja stambenih jedinica, ukupan broj korisnika Projekta u odnosu na planirani (30) bit će veći za 3, što je ukupno 33 korisnika.



Kuća vlasništvo Nežirović Razije, selo Derolovi, općina Foča – Prije i nakon sanacije

Podsjećanja radi, želimo istaći da navedeni projekat, čija implementacija traje tri godine (2008. – 2011. god.) obuhvata sanaciju ukupno 170 stambenih jedinica na području općina: Srebrenica, Bratunac, Zvornik, Vareš, Olovo, Foča, Ustikolina, Novo Goražde i Goražde, čiji su vlasnici raseljene porodice smještene u kolektivne i alternativne smještaje na području BiH. Pored sanacije, Projekat sadrži 190 grantova za pomoć održivom povratku i 10 manjih infrastrukturnih podprojekata od značaja za povratničke porodice. Implementator Projekta je humanitarna organizacija CRS, a investitori: Ambasada Kraljevine Holandije, Federalno ministarstvo raseljenih osoba i izbjeglica, Ministarstvo za raseljena lica i izbjeglice RS, Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo za rad, socijalnu politiku i izbjeglice ZE-DO Kantona i humanitarna organizacija CRS.

Imajući u vidu učešće Ministarstva u ukupnom iznosu od 700.000,00 KM, za povratnike iz Kantona Sarajevo, planirana je obnova 30 stambenih jedinica, međutim, kako je ovim projektom obuhvaćena obnova 33 stambene jedinice uz dodjelu grantova za pomoć u svrhu održivog povratka, te sanaciju određenih infrastrukturnih objekata u povratničkim mjestima, može se reći da efekti ovog projekta značajno prevazilaze iznos našeg finansijskog učešća, pa samim tim i očekivanih rezultata.

Što se tiče preostalog broja povrataka kroz planirane projekte obnove stambenih jedinica navedenih u Tabeli br. 3., očekujemo, budući da je implementacija u toku, da će do kraja godine isti biti okončani, a time i ostvaren planirani broj povrataka.

Istovremeno, u izvještajnom periodu, Ministarstvo je registrovalo 15 povrataka, kroz projekte obnove stambenih jedinica, za koje pri izradi Plana za 2011. godinu, nije imalo saznanja o njihovoj realizaciji. Radi se o projektima koje su implementirale humanitarne organizacije UNDP (Srebrenica 1 povratak), CARE (Srebrenica 1 povratak), Caritas (Srebrenica 3 povratka), DRC (Srebrenica 2 povratka), HELP (Srebrenica 3 povratka), LEDI NOT (Srebrenica 1 povratak), OIC (Srebrenica 1 povratak) THW (Srebrenica i Zvornik po 1 povratak), te Vlada Tuzlanskog kantona (Srebrenica 1 povratak).

3. Održivost povratka

U okviru pomoći održivom povratku van Kantona Sarajevo, Ministarstvo su u Budžetu za 2011. godinu odobrena sredstva u iznosu od 30.000,00 KM.

U izvještajnom periodu Ministarstvo je u saradnji sa UNHCR-om i međunarodnim humanitarnim organizacijama realizovalo više projekata za pomoć održivom povratku, kako pojedinačnih, tako i kolektivnih – infrastrukturnih, kako slijedi:

- „Nabavka i isporuka sjemenskog materijala za proljetnu sjetvu u 2011. god.“ za ukupno 500 povratničkih socijalno ugroženih porodica u regionu Istočne Bosne, i to, po općinama:

Foča	-	80,
Čajniče	-	30,
Rogatica	-	60,
Novo Goražde	-	80,
Višegrad	-	50,
Rudo	-	30,
Ustikolina	-	40,
Goražde	-	90 i
Prača	-	40.

Svi isporučeni paketi sjemenskog materijala sadržavali su po: 60 kg. krompira, 2 kg. luka i po 6 kesica raznog sitnog sjemena.



28.03.2011. godine – Isporuca paketa sjemenskog materijala povratničkim porodicama na području općine Prača

Pored naprijed navedene pomoći, u izvještajnom periodu, Ministarstvo je u saradnji sa humanitarnom organizacijom CRS, koja implementira Projekat „Trajna rješenja za korisnike kolektivnih centara i alternativnih smještaja u Bosni i Hercegovini“, realizovalo 14 pojedinačnih donacija u svrhu pomoći održivom povratku porodicama kojima su, u okviru predmetnog projekta, sanirane stambene jedinice. Od navedenog broja, 12 donacija se odnosi na nabavku i isporuku motokultivatora sa frezom, 1 motokultivator sa kosilicom, dok je za jednu povratničku porodicu, prema vlastitom zahtjevu izvršena nabavka i isporuka krave.

Također, u okviru istog Projekta, u povratničkom naselju Mala Daljgošta, MZ Skelani, općina Srebrenica, u kojem žive i domicilne porodice srpske nacionalnosti, započeta je realizacija Projekta vodosnabdijevanja kompletnog naselja. Naime, povratničke porodice bošnjačke nacionalnosti, kojima su u prethodnom periodu sanirane prijeratne stambene jedinice, nisu imale uslove za povratak i opstanak, zbog nemogućnosti snabdijevanja pitkom vodom, i taj problem je trajao više godina. Na prijedlog Ministarstva upućen humanitarnoj organizaciji CRS, urađen je Projekat vodosnabdijevanja i na osnovu istog provedena daljnja procedura kako bi se pristupilo izvođenju radova. Prema informacijama dobivenim od navedene humanitarne organizacije, zaključno sa 30.06.2011. godine, radovi su započeti, a završetak istih planiran je do kraja oktobra 2011. godine. Implementacijom ovog vrlo značajnog projekta trajno će se riješiti vodosnabdijevanje naselja Mala Daljgošta, pa samim tim će se obezbjediti adekvatni uslovi za konačan povratak porodica kojima su ranije sanirane stambene jedinice.

Moramo napomenuti da je u izvještajnom periodu Ministarstvo zaprimilo više zahtjeva za podršku održivom povratku povratničkim porodicama od kojih su i zahtjev općine Ustikolina za nabavku i isporuku 8 motokultivatora sa priključcima, te zahtjev Udruženja povratnika „OSTANAK“ iz Trnova za nabavku i isporuku 7 motokultivatora sa odgovarajućim priključcima i 6 kosilica povratnicima na područja općina Trnovo/RS i Trnovo/FBiH.

Imajući u vidu realne potrebe povratničkih porodica u ruralnim područjima, kako u Kantonu Sarajevo, tako i van Kantona Sarajevo, te opravdanost i navedenih zahtjeva, Ministarstvo će u narednom periodu uložiti napore da, sa međunarodnim humanitarnim organizacijama i drugim nivoima vlasti, istim udovolji.

P r i l o g:
Tabele 1. – 5.

Tabela 1.
 REGISTROVANI POVRATAK U KANTON SARAJEVO (broj porodica)
 Period: 01.01. – 30.06.2011. godine

Općina registrovanog povratka	Nacionalnost i povratci po kvartalima														
	Ukupno			Bošnjaci			Hrvati			Srbi			Ostali		
	I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III	IV-VI	Ukupno
Stari Grad	0	0	0	0	0	0	0	0	0	0	0	0	0	0	0
Centar	2	4	6	0	0	0	0	0	0	2	4	6	0	0	0
Novo Sarajevo	6	2	8	1	1	2	0	0	0	5	1	6	0	0	0
Novi Grad	15	2	17	0	0	0	0	0	0	15	2	17	0	0	0
Ilidža	4	2	6	3	1	4	1	0	1	0	1	1	0	0	0
Ilijaš	0	0	0	0	0	0	0	0	0	0	0	0	0	0	0
Vogošća	1	0	1	1	0	1	0	0	0	0	0	0	0	0	0
Hadžići	0	0	0	0	0	0	0	0	0	0	0	0	0	0	0
Trnovo	0	0	0	0	0	0	0	0	0	0	0	0	0	0	0
Ukupno	28	10	38	5	2	7	1	0	1	22	8	30	0	0	0

Tabela 2.

VRSTA VLASNIŠTVA STAMBENIH JEDINICA PRETHODNOG BORAVIŠTA
 REGISTROVANIH POVRATNIKA I NACIONALNOST
 PERIOD: 01.01. – 30.06.2011. godine

PRETHODNO BORAVIŠTE I POVRATCI PO KVARTALIMA

BIH ENTITET RS			FBiH			KANTON SARAJEVO			BRČKO DISTRIKT			INOSTRANSTVO			I-III
I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III
17	1	18	0	0	0	0	3	3	0	1	1	5	3	8	22
11	0	11	0	0	0	0	0	0	0	0	0	0	0	0	11
6	1	7	0	0	0	0	3	3	0	1	1	5	3	8	11
0	0	0	0	0	0	1	0	1	0	0	0	0	0	0	1
0	0	0	0	0	0	1	0	1	0	0	0	0	0	0	1
0	0	0	0	0	0	0	0	0	0	0	0	0	0	0	0
0	0	0	0	0	0	0	0	0	0	0	0	0	0	0	0
0	0	0	0	0	0	0	0	0	0	0	0	0	0	0	0
0	0	0	0	0	0	4	2	6	0	0	0	1	0	1	5
0	0	0	0	0	0	3	0	3	0	0	0	0	0	0	3
0	0	0	0	0	0	1	2	3	0	0	0	1	0	1	2
17	1	18	0	0	0	5	5	10	0	1	1	6	3	9	28
11	0	11	0	0	0	4	0	4	0	0	0	0	0	0	15
6	1	7	0	0	0	1	5	6	0	1	1	6	3	9	13

P – 2.

3.

RASELJENIH PORODICA/LICA U KANTONU SARAJEVO NA DAN 30.06.2011. GODINE PO MJESTU BORAVIŠTA
 I MJESTU PREBIVALIŠTA PO RE-REGISTRACIJI RASELJENIH LICA

MJEŠTO BORAVKA	DRUGI ENTITET		FEDERACIJA BIH		DISTRIKT BRČKO BIH		KANTON SARAJEVO		UKUPNO	
	broj porodica	broj lica	broj porodica	broj lica	broj porodica	broj lica	broj porodica	broj lica	broj porodica	broj lica
Grad	95	166	10	18	0	0	21	70	126	184
	140	262	2	4	1	2	41	100	184	

Sarajevo	180	419	10	30	0	0	42	111	232
grad	506	932	13	28	0	0	32	109	551
	428	1.007	23	46	0	0	17	46	468
ća	213	462	1	4	0	0	3	7	217
	306	693	1	1	0	0	30	67	337
ši	47	102	5	14	0	0	3	9	55
o:	1.915	4.043	65	145	1	2	189	519	2.170

P – 3.

la 4.

J PORODICA - LICA ZA KOJE JE OBEZBIJEĐEN SMJEŠTAJ NA DAN 30.06.2011.GODINE

kategorija i oblici alternativnog smještaja	Broj porodica						Broj lica					
	Drugi entitet	FBIH	Distrikt Brčko	Interno raseljena lica	Socijalni slučaj	Ukupno	Drugi entitet	FBIH	Distrik Brčko	Interno raseljena lica	Socijalni slučaj	U
onica	12	0	0	7	12	32	30	0	0	11	23	
no polje	8	0	0	2	17	27	31	0	0	9	72	
ono	20	0	0	9	29	59	61	0	0	20	95	
tanarstvo	0	0	0	1	0	1	0	0	0	7	0	
ovi	3	1	0	4	7	15	8	4	0	17	30	
ovi - in	0	0	0	0	9	9	0	0	0	0	20	
Ukupno	23	1	0	14	45	84	69	4	0	44	145	

Tabela 5.
 REGISTROVANI POVRATAK PORODICA IZ KANTONA SARAJEVO NA DRUGE
 PROSTORE BiH
 Period: 01.01. – 30.06.2011. godine

Vrijeme boravka u kantonu Sarajevo	Nacionalnost i povratci po kvartalima										
	Drugi entitet			Federacija BiH			Brčko Distrikt BiH			Ukupno	
	I-III	IV-VI	Ukupno	I-III	IV-VI	Ukupno	I-III	IV-VI	Ukupno	I-III	IV-VI
Baranje Grad	0	0	0	0	0	0	0	0	0	0	0
Centar	0	1	1	0	0	0	0	0	0	0	1
Novo Sarajevo	1	2	3	0	0	0	0	0	0	1	2
Stari Grad	9	3	12	0	0	0	0	0	0	9	3
Trnava	4	3	7	0	0	0	0	0	0	4	3
Želaznica	11	0	11	0	0	0	0	0	0	11	0
Žitnjaci	8	3	11	0	0	0	0	0	0	8	3
Čerkezovići	0	0	0	0	0	0	0	0	0	0	0
Novo Sarajevo	0	0	0	0	0	0	0	0	0	0	0
UKUPNO	33	12	45	0	0	0	0	0	0	33	12